

唐
音
統
籤

簾十四趙嘏之五

唐音統籤卷

六百十三

七言絕句二

座上獻元相公

紀事云：段常家于浙西，有美姬感之，泊計偕會中。元鶴林

之遊浙師，窺其姬，遂奄有之。明年，段及第，因以一絕籤之云：云浙神不自安，遣歸之。叔方出關，逢於橫水驛，姬抱恨慟哭而卒。遂葬於橫水之陽。

寂寞堂前日又曛，陽臺去作不歸雲。從來聞說沙吒利，今日青娥屬使君。

華州座中獻盧給事

送迎皆到三峰下，滿面煙霜滿馬塵。自是追攀認知己，青雲不假送迎人。

叙事獻同州侍御三首

青雲席中羅戰塵
白首江上吟詩人
登龍不及三千士
虛度膺門二十春

平生望斷雲層層
紫府杳是佗人
登郤應歸訪谿
邊寺說向當時同社僧

尊前誰伴謝公遊
蓮岳晴來翠滿樓
坐見一方金
變化獨吟紅藥對殘秋

酬段侍御

蓮花上客思閑閑
數首新詩到算關
吟得楚天風
雨霽一條江水兩三山

贈張漬

標言云漬會昌五年陳高下第
一人翰林覆考黜之擬貽漬詩

莫向花前泣酒杯
謫仙依舊是仙才
猶堪與世爲
祥瑞曾到蓬山頂上來

喜張漬及第

九轉丹成最上僊
青天暖日踏雲軒
春風賀喜無
言語排比花枝滿杏園

贈解頭賈嵩

賈生名跡忽無倫
十月長安看盡春
願我先鳴還
自笑空齋一第是何人

贈薛勳下第

一擲雖然未得盧
驚人不用繞牀呼
半之坐被青雲
過祗問君能酷
似無

贈皇甫坦

養由弓箭已無功
牢落生涯事事同
相勸一栢寒食酒
幾多辛苦到春風

贈王明府

五柳逢秋影漸微
陶潛戀酒不知歸
但存物外醉鄉在
誰向人間問是非

贈館驛劉巡官

雲別青山馬踏塵
員才難覓作閑人
莫言館驛無

公事詩酒能銷一半春

贈桐鄉丞

舟觸長松岸勢回潺湲一夜繞亭臺若教靖節先生見不肯更吟歸去來

贈五老韓尊師

有客齋心事玉晨對山鬚髯綠無塵住山道士年如鶴應識當時五老人

贈女仙

水思雲情小鳳仙月涵花態語如絃不因金骨三清客誰識吳州有洞天

淮南丞相坐贈歌者虞姁

綺筵無處避梁塵虞姁清歌日日

一作新來值渚

亭花欲盡一聲留得滿城春

贈歙州妓

艷艷橫波思有餘庾樓明月墮雲初揚州寒食春
風寺看遍花枝盡不如

宛陵望月寄沈學士

一川如畫敬亭東待詔閑遊處處同天竺山前鏡
湖畔何如今日庾樓中

重陽日寄韋舍人

節過重陽菊委塵江邊病起杖扶身不知此日龍
山會誰是風流落帽人

十無詩寄桂府楊中丞

琴酒曾將風月須謝公名跡滿江湖不知貴擁旌
旗後猶暇憐詩愛酒無

東省南宮與不孤幾因詩酒謬招呼一從開署笑
蓉幕曾向風前記得無

遙聞桂水遶城隅城上江山滿畫圖爲問雲家洲
畔月清秋擬許醉狂無

日暮江邊一小儒空憐未有白髭鬚馬融已貴諸

生老猶自客窺絳帳無

一種吟詩號孔徒滄江有客獨狂疎遇初盡辟知名士許到風前月下無

望斷南雲日已晡便應憑夢過重湖不知自古登龍者曾有因詩泥得無

早遊門館一樵夫祇愛吟詩傍藥爐旌旆滿江身不見言記得潁川無

孔融襟抱稱名儒愛物憐才與世殊今日賓階忘姓字當時省記薦雄無

僻愛江山俯坐隅人間

更爲圖樽前爲問神

仙伴肯向三清慰薦無

闕

發新安後途中寄盧中丞二首

樓上風流庾使君
笙歌曾醉此中聞
目前已是陵陽路
回首叢山滿眼雲

晚樹蕭蕭促織愁
風簾似水滿牀秋
千山不礙笙歌月
誰伴羊公上夜樓

寄盧中丞

葉覆清谿澗澗紅
路橫秋色馬嘶風
獨携一榼郡

齋酒吟對青山憶謝公

寄前黃州竇使君

池上笙歌寂不聞
樓中愁殺碧虛雲
玉壺凝盡重
重淚
寄與風流舊使君

山中寄盧簡求

竹西池上有花開
日日幽吟看又回
心憶郡中蕭
記室
何時暫別醉鄉來

寄梁仝兄弟

桃李春多翠影重
竹樓當月夜無風
荀家兄弟來
還去
獨倚闌干花露中

寄裴瀾

綺雲初墮亭亭月錦席惟橫灩灩波
宋玉逢秋正高卧一篇吟盡柰情何

落第寄沈詢

穿楊力盡獨無功華髮相期一夜中
別到江頭舊吟處爲將雙淚問春風

寄遠

禁鐘聲盡見樓禽關塞迢迢故國心
無限春愁莫相問落花流水洞房深

寄山僧

雲裏幽僧不置房
椽花藤葉蓋禪牀
朝來逢著山中伴
聞說新移最上方

婺州宴上留別

雙谿樓影向雲橫
歌轉高雲晚更清
獨自下樓騎瘦馬
搖鞭重入亂蟬聲

別牛郎中門館

整襟收淚別朱門
自料難酬顧念恩
招得片菟騎匹馬
西風斜日上秋原

將發循州社日於所居館宴送

浪花如雪疊江風
社過高秋萬恨中
明日便隨江

燕去依依俱是故巢空

別李譜

尊前路暎暮塵紅池上琴橫醉席風今日別君如
別鶴聲容暫在楚絃中

贈別

水邊秋草暮萋萋欲駐殘陽恨馬蹄曾是管絃同
醉伴一聲歌盡各東西

江上與兄別

楚國湘江兩渺瀰暖川晴鴈背帆飛人間離別盡
堪哭何況不知何日歸

泗上奉送相公

語堪錦座默含春西漢公卿絕比倫今日卧轅留
不得欲揮雙涕學留人

送從翁中丞奉使黠戛斯六首

楊雄詞賦舉天開萬里油幢照塞雲僕射烽西幾
千騎一時迎著漢將軍

旌旗杳杳鴈蕭蕭春盡窮沙雪未銷料得堅昆受
宣後始知公主已歸朝

願言窮北海雲中屬國當時事不同九姓如今盡
臣妾歸期那肯待秋風

平山望斷絕塵氛
灩灩河西拂地雲
誰見魯儒持漢節
玉關降盡可汗軍

山川險易接胡塵
秦漢圖來或未真
自此盡知邊塞事
河湟更欲託何人

秦皇無策建長城
劉氏仍窮北路兵
若過單于舊牙帳
卻應傷歎漢公卿

送韋中丞

二年恩意是春暉
清淨習襟似者希
泣盡楚人多少淚
滿船惟載酒西歸

送李給事

眼前軒冕是鴻毛
天上人間漫自勞
脫卻朝衣獨歸去
青雲不及白雲高

送王拾遺謝官後歸澧水山居

水邊殘雪照亭臺
臺上風襟向雪開
還似當時姓丁鶴
羽毛成後一歸來

宣州送判官

來時健筆佐梁姚
去折槐花度野橋
誰見樽前此惆悵
一聲歌盡路迢迢

同州南亭陪劉侍郎送劉先輩

處處雲隨晚望開
洞庭秋入管絃來
謝公待醉晴

離恨莫惜臨川酒一杯

題曹娥廟

青娥葬沒此江濱
江樹颼颼慘暮雲
文字在碑碑已墮
波濤辜負色絲文

經汾陽舊宅

門前不改舊山河
破虜曾經馬伏波
今日獨經歌舞地
古槐踈冷夕陽多

經王先生故居

晚波東去海茫茫
誰識蓬山不歿鄉
天玉已歸蕭史去
碧樓紅樹倚斜陽

哭李進士

一作于鄴

李馬街中哭送君
靈車輾雪隔城聞
雖有山僧與
舊客共昇孤櫬入幽墳

悼亡二首

一燭從風到柰何
二年衾枕逐風波
雖知不得公
然淚時泣闌干恨更多

明月蕭蕭海上風
君歸泉路我飄蓬
門前雖有如
花貌爭奈如花心不同

新月

玉鉤斜傍畫簷生
雲匣初開一寸明
何事最能傷

少婦夜來依約落邊城

代人聽琴二首

抱琴花下不勝春
獨奏相思淚滿巾
第五指中心
最恨數聲嗚咽爲何人

湘娥不羣九疑雲
楚水連天坐憶君
惟有啼鳥舊
名在忍教嗚咽夜長聞

詠端正春樹

一樹繁陰先著名
異花奇葉儼天成
馬嵬此去無
多地祇合楊妃墓上生

東亭柳

拂水斜煙一萬條，幾隨春色倚
一作醉河橋。不知別
後誰攀折，猶自風流勝舞腰。

宛陵館冬青樹

碧樹如煙覆晚波，清秋欲盡客重過。故園亦有如
煙樹，鴻雁不來風雨多。

聽蟬

噪蟬聲亂日初曛，絃管樓中永不聞。獨奈愁人數
莖髮，故園秋隔五湖雲。

句

浮雲悲晚翠，落日泣秋聲。

萬花谷

語風雙燕立，裊

樹百勞飛

以下優古
堂詩話

松岳鶴歸書信絕橘洲風

起夢魂香

徒知六國隨斤斧莫有羣儒定是非

題秦皇
派詩首卷

紀事云宣宗嘗索
此帝覽之不悅

一千里色中秋月

十萬軍聲半夜潮

錢邦
以為寒食
蘇公

梁王舊館已秋

色珠履少年輕繡衣

以上二聯見
張為主客圖

戊籤十五

十六同卷

唐音統籤卷

六百十四

盧肇字子發袁州人登會昌三年進士第一人物

為鄆岳盧商從事江陵節度裴休太原節度盧簡

求並奏為門吏後除著作郎遷倉部外郎克集賢

院直學士咸通中出知歙州移宣池吉州卒賦集

八卷詩文集十三卷

唐志止賦集宋志愈風集十卷文標集三卷

今編

詩一卷

紀事云肇開成初就江西解試為試官末送肇謝曰巨鼉負鼎首冠蓬山試官曰某

恨人數櫓排深慙名第奉晚何云首冠肇云頑石處上巨鼉戴之豈非冠耶

左官宜春盧肇以文見知統拜相舊例放榜先呈宰相王起問德裕所欲答曰何問為如盧肇丁稜

姚勗豈可不與及第起遂依火放之

唐音統籤卷六百十四

漢隄詩 并序

上元年秋漢水大溢潏襄隄以入旣汎漢郭遂
城觀趾懷懷且流壓溺無美襄之城僅以門免
三日水去陷爲大塗餘民棲于楚山號不敢下
餒蹟相挽其能全者十六七上大憂曰襄維東
南實脰荆海若氣不息吾躬易廖今天下災于
有漢庭垣盡諸葛餘在淖有嬰墜井毋實號之
今襄人盡墜吾號尚及哉容乃卿上疇能振之
以易吾亂賊以地官范陽公舊理南粵岳夷率
化甘于民心俾踐于襄必克底又上俞以往公
旣至省漢之溺由舊防之不固幾五十載又詢
之漢水之不犯襄郭惟是甚災旣魚士庶災或
能嗣孰以遏之募民新漢之隄食敵其功資三
其食因故隄之址廣倍之高再倍之距襄之郊
絲乎百里明年春脩成公其以隄上大歡復襄
之疲民一祀賑穀十萬斛民旣保寧謳歌怡愉
旣而寄壽不知曩之災也昔狄敗衛侯于焚澤
齊桓公帥諸侯城緣陵以居之而衛國忘亡君
于是以稱桓公之德今公之爲是隄也襄有衛

人之思焉而況宜天子之慈以生厥民曷齊桓
之尚哉意五材之生沴也必極于物物之既極
天必資明哲以蘇之理之常也古之人有力保
一邑勇禦一區謂之有功尚以金石載之况擇
大災救大患其美若足豈得無稱焉是宜以聲
詩播之登于樂也惟漢則亦有魏子之歌是可
頌之謹按王考甫作尚詩公子吳斯命太史克
請于周詩魯詩皆具國之公族也筆於公爲族
孫幸力于文所不宜然惟規之碑曰羊公惟隄
之詩曰盧公是古今之相光照也其誰曰不然
詩曰

陰沴奸陽來暴于襄泊入大郭波端若鋒觸厚摧
高不知其防駭潰顛委萬室皆毀竈登蛟鼉堂集
鱣鮪惟恩若讐毋不能于洪潰既涸閉閤其虛以
繫我堵以制我廬酸傷顧望若踐丘墟帝曰念嗟

朕日南顧流災降慝天曷台怒滔滔襄郊梓我嬰
濡於惟餘昨饑傷喘呼大故斯爲淫穢孰往膏傳
惟汝元寮僉舉明哲我公用諧苴茅杖節來視襄
人煥悠援挈不日不月嗔乎抃恍乃泳故隄陷于
沙泥缺落杓圯由東訖西公曰嗚呼漢之有隄實
命襄人不力乃力則及乃身具鍾與畚漢隄其新
帝廩有粟帝府有繕繭成繒隄必錫爾勤襄人怡
怡聽命襄濟背囊肩簪奔走蹈舞分之卒伍令以
麾鼓尋尺旣度日月可數登登樂樂周旋上下披
岷斷楚楚岷二山在襄南飛石輓土舉築殷雷駭汗霏雨

疲癯鰥獨奮有筋贅呀呀來助提筐負筥不勞其
勞維脊笑語咸曰廬公來賜我生斯隄旣成蜿蜒
而平確爾山固屹如雲橫漢流雖狂堅不可蝕代
千年億與天無極惟公之隄昔在人心旣築旣成
橫之于南萌渚不峻此門不深今復在茲于漢之
陰斯隄已崇茲民獲祐觀童相慶室以完富貽于
襲人願保厥壽繫公之功赫焉如畫擇此巨災崴
若京阜天子錫之百姓戴之族孫作詩昭示厥後

題甘露寺

紀事云張華於甘露寺觀肇詩仰

月光先到山前勢盡來

肇詩地從京口云云

北固巖端寺佳名自上台地從京口斷山到海門
回曙色煙中滅潮聲口下來一隅通雉堞千仞聳
樓臺林暗疑降虎江空想度杯福庭增氣象仙磬
落昭回覺路花非染流年景謾催隋宮凋綠草晉
室散黃埃西蜀波湍盡東溟日月開如登最高處
應得見蓬萊

風不鳴條

習習和風至過條不自鳴暗通音律起遠望白蘋
生拂樹花仍落經林鳥自詎一作驚幾牽蘿蔓動潛
惹柳絲輕入谷迷松響一作幽淵一作開閤一作窓失竹

聲薰絃方在御萬國仰皇情

江陵府初試澄心如水

片心何所喻唯

一作爲

水並清虛莫測千尋底難知

一勺初內明非有物上善本無魚澹泊隨高下波

瀾逐卷舒養蒙方浩浩出險

一作海

每徐徐若濯情

田裏常流盡不如

別宜春赴舉

秋天草木正蕭疎西望秦關別舊居筵上芳罇今日酒篋中黃卷古人書辭鄉且伴銜蘆鴈入海終爲戴角魚長短九霄飛直上不教毛羽落空虛

射策後作

射策明時愧不才，敢期青律變寒灰。
暗憐斷鴈侵雲去，暖見醺雞傍酒來。
箭發尚憂楊葉遠，愁生只恐杏花開。
曲江春淺人遊少，盡日看山醉獨回。

及第後江陵觀競渡寄袁州刺史成應元

紀事

云筆與黃頤同縣，頗富而聲貧。同日遵路赴舉，郡牧餞頗難。亭筆駐蹇十里，以俟明年。肇以第一名還京，因競渡即席賦此詩，故落句云云。

石溪久住思端午，館驛樓前看發機。
鞞鼓動時雷隱隱，獸頭凌處雪微微。
衝波突出人齊賊，躍浪爭先鳥退飛。
何道是龍剛不信，果然奪得錦標歸。

奉和主司王僕射答周侍郎賀放榜作

嵩高降德爲時生
洪筆三題造化名
鳳詔佇歸專
非極驪珠搜得盡
東瀛褒衣已換金
章貴禁掖曾
隨玉樹榮
明日定知同相印
書衿新列柳間營
及第後送潘圖歸宜春

三載皇都恨食貧
非濱今日化窮鱗
青雲乍喜逢
知己白社猶悲送
故人對酒共驚
千里別看花自
感一枝春
君歸爲說龍門事
雷雨初生電遶身

咸通初恩除歙州途中寄座主王侍郎

忽忝專城奉六條
自憐出谷屢遷喬
驅車雖覺還

家近捧日惟愁去國遙
朱戶昨經新築戟風帆常
覺戀簞瓢江天夜夜知
消息長見台星在碧霄

將歸宜春留題新安館

東里如今號鄭鄉西家
昔日近丘牆芸臺四部
添新學秘殿三年學老
郎天外鴛鴦愁不見山
中雲鶴喜相忘猶張阜
蓋歸蓬華直謂時無許
子將

御溝水

萬壑朝溟海縈回歲月
多無如此溝水咫尺奉
天波

楊柳枝詞

青島泉邊草木春黃雲塞上是征人歸來若得長
條贈不憚風霜與苦辛

成名後作

挂在蟾宮不可攀功成業熟也何難今朝折得東
歸去共與鄉閭年少看

登祝融寺蘭若

祝融絕頂萬餘層策杖攀蘿步步登行到月宮霞
外寺白雲相伴兩三僧

題清遠峽觀音院二首

清潭洞澈深千丈危岫攀蘿上幾層秋盡更無黃

葉樹夜闌惟對白頭僧

風入古松添急雨月臨虛檻背殘燈
老猿嘯狖還欺客來撼窓前百尺藤

被謫連州

黃絹外孫翻得罪華顛故老莫相嗤
連州萬里無親戚舊識惟應有荔枝

謫後再書一絕

崆峒道士恨燒丹赤鼠黃牙幾許難
墜墮聞浮南斗下不知何事犯星官

謫連州書春牛榜子

陽和水解逐民憂雪滿群山對白頭不得職田餓
欲歿兒儂何用打春牛

喜楊舍人入翰林

御筆親批翰長銜夜開金殿送瑤緘平明玉案臨
宣室已見龍光出傳巖

嘲小兒

貪生只愛眼前珍不覺風光度歲頻昨日見來騎
竹馬今朝早是有年人

牧童

誰人得似牧童心牛上橫眠秋聽深時復往來吹

一曲何愁南北不知音

初計偕至襄陽爲奇章公咏真珠

吟窓雜錄云奇章公

納妓曰真珠有殊色盧肇至奇章重其文
延於中寢會真珠沐髮方以手捧其髻插
釵於髮間遂相
日何妨一詠兼日

神女初離碧玉墀彤雲猶擁牡丹鞋知道相公憐

玉腕故

一作強

將纖手整金釵

送弟

去日家無擔石儲汝須勤苦事樵漁古人盡向塵
中遠白日耕田夜讀書

新植紅茶花偶出被人移去以詩索之

嚴恨柴門一樹花
便隨香遠逐香車
花如解語還應道
欺我郎君不在家

金錢花

輪郭休誇四字書
紅窠寫出對庭除
時時買得佳人笑
本色金錢却不如

木筆花

嫵如新竹管初齊
粉膩紅輕樣可攜
誰與詩人偎檻看
好於牋墨併分題

句

君夢潯陽月中秋
憶棹歌

岳州府志

妙吹應諧鳳工

書定得鵝

紀事李群玉善急就章書食鵝筆贈句云云

亭邊古木書

陰陰亭下寒潭百丈深黃菊舊連陶令宅青山遙

負向平心

題綠陰亭臨江府志

戊籤十六

丁發字子威會昌三年進士第詩一卷

唐志無宋志有玉

象子云稜與盧肇同受知贊皇相推薦及第故事致榜范陽宰相即榜元致詞肇以事不至稜口吃而形體飽而致詞本欲言稜等登科而頽然發汗物窮移時乃曰稜等登稜等登卒不能致後語而罷左右皆笑或曰君善等耶稜猶不悟也

塞下曲

北風鳴晚角雨雪塞雲低烽舉戰軍動天寒征馬

嘶出營紅旆展過磧暗沙迷諸將年皆老何時罷
鼓鼙

和主司王僕射答華州周侍郎賀放榜作

公心獨立副天心三轄春闈冠古今
蘭署門生皆入室蓮峰太守別知音
同升翰苑時名重遍歷朝端主意深
新有受恩江海客空聽朝夕繼爲霖

戊籤十七

唐音統籤卷

十六

姚鵠字居雲蜀人受知李相德裕登會昌三年進

士第詩一卷

唐文忠公同登第
事詳盧肇下

五言律詩

野寺寓居卽事二首

南山色當戶初日半簷時鶴去計看遠僧來嫌起
遶窓明雲影斷庭曉樹陰移何處題新句連谿密
葉垂

古寺更何有當庭唯拆幢伴僧青
蘇榻對雨白雲窓暝色坐前嶺
離寬隔遠江沙洲半藜草飛鷺白

雙雙

曉發一作趙嘏

旅行宜早發况復是南歸月影緣山盡鐘聲隔水微
殘星螢共失落葉鳥和飛去去渡南曉村中人出稀

嘉川驛樓晚望

樓壓寒江上開簾對翠微斜陽諸嶺暮古渡一僧歸
窓迥雲衝起江一作天遙鳥背飛誰言坐多倦日

極自忘機

題終南山隱者居

開門絕壑旁躡蘇過危梁路入峰巒影風來芝木
香夜吟明雪牖春夢閉雲房盡室更何有一琴兼
一觴

感懷陳情

恩重空感激何門誓殺身謬曾分玉石竟自困風
塵陰谷非因暖幽叢豈望春升沉在言下應念異
他人

旱魚詞上苗相公

似龍鱗已足唯是欠登門日裏腮猶濕泥中日未
昏乞鋤防蠹穴望水瀉金盆他日能爲雨公田報

此恩

塞外寄張侍御

千里入黃雲，羈愁日日新。
踈鐘關路曉，遠雨塞山春。
南眺有歸鴈，北來無故人。
却思陪宴處，迴望與天鄰。

寄贈許璋少府

若說君高道，何人更得如。
公庭唯樹石，生計是琴書。
詩句峭無敵，文才清有餘。
不知尺水內，爭滯北溟魚。

寄雍陶先輩

知音杳何處書札寄無由
山獨宿月中寺相思天畔
一作半樓露凝衰草白螢度遠煙秋
悵望難歸枕吟勞生夜愁

寄友人

西風又開菊久客意如何
舊國天涯遠清砧月夜
多明時難際會急景易蹉跎
抱玉終須獻誰言戀薜蘿

送石黃歸湖州

同志幸同年高堂君獨還
齊榮恩未報共隱事應閑
訪寺臨湖岸開樓見海山
洛中推二陸莫久戀

鄉關

送劉耕歸舒州

四座莫紛紛須臾岐路分自從同得意誰不惜離
群舊國連青海歸程在白雲棄繻當日路應競看
終軍

送李潛歸綿州覲省

朱樓對翠微紅旂出重扉此地千人望寥天一鶴
歸雪封山嶮白鳥拂棧梁飛誰比趨庭戀驪珠耀
綵衣

送程秀才下第歸蜀

驚遷與鵬退十載泣岐分蜀道重來老巴猿此去
聞曉程侵嶺雪遠棧入溪雲莫滯趨庭戀榮親祇
待君

送人歸吳

東吳與上國萬里路迢迢爲別晨昏久全輕水陸
遙湘陰島上寺楚色月中潮到此一長望一作知
君積恨銷

五言排律

書情獻知己

日日恨無窮巴雲舊隱空一爲棲寓客三見北歸

鴻有道期攀桂無門息轉蓬
質居將磬比乞食與僧同
花月登臨處江山悵望中
衆皆輕病驥誰肯收焦桐
坐惜春還至愁吟夜每終
谷寒思變律葉晚怯迴風
謁蔡慙王粲憐衡冀孔融
深恩知如一作尚在何處問窮通

奉和秘監從翁夏日陝州河亭晚望

淇河何處望一境在孤煙
極野如藍日長波似鏡
年卷簾花影裏倚檻鶴巢邊
霞紈侵旌旆灘聲雜管絃
鐘微來疊岫帆遠落遙天
過客多相指應疑會水仙

送僧歸新羅

寒森萬餘里扁舟發落暉
滄溟何歲別白首此時
歸寒暑途中變人煙嶺外稀
驚天巨鰲起蔽日大
鵬飛雪入行沙履雲生坐石衣
漢風深習得休恨
本心違

風不鳴條

吾君理化清上瑞報時平
曉吹何曾歇柔條自不
鳴花香知暗度柳動覺潛生
只見低垂影一作勢那
聞擊觸聲大王初溥暢
少女正輕盈幸遇無私力
幽芳願發榮

唐詩集卷之八
七言律詩

尋趙尊師不遇

羽客朝元晝掩扉林中一逕雪中微松陰遶院鶴
相對山色滿樓人未歸盡日獨思風馭返寥天幾
望野雲飛憑高目斷無消息自醉自吟愁落暉

和主司王僕射答周侍郎賀放榜

三年竭力向春闈塞斷浮華衆路岐盛選棟梁稱
昔日平均雨露及明時登龍舊美無斜徑折桂新
榮盡直枝莫道只陪金馬貴相期更在鳳凰池
將歸蜀留獻恩地僕射二首

自持衡鏡採幽沉此事常聞曠古今危葉只將終
委地焦桐誰料却爲琴蒿萊詎報生成德大馬空
懷感戀心明日還家盈眼血定應回首卽沾襟
江上長思狎釣翁此心難與昨心同自承丘嶽新
恩重已分煙霞舊隱空龍變偶因資巨浪鳥飛誰
肯借高風應憐歿節無門効永歎潛懷似轉蓬

襄州獻盧尚書

立事成功盡遠圖一方獨與萬方殊藩臣皆競師
兵畧相國今多揖廟謨禮樂政行凋弊俗歌謠聲
徹帝王都卽隨鳳詔歸何處私是操持造化鑪

號州獻楊大卿二首

蓋世英華更有誰
賦成傳寫遍坤維
名科累中求賢日
苦節高標守郡時
樓上叫雲秋鼓角
林間宿鶴夜旌旗
徵歸詔下應非久
德望人情在鳳池
碧山曾共惜分陰
暗學相如賦上林
到此敢逾千里恨
歸家且遂十年心
踈愚祇怯膺門險
淺薄爭窺孔室深
一顧儻憐持苦節
更令何處問升沉

隨州獻李侍御二首

彩筆曾專造化權
道尊翻向宦途閑
端居有地唯栽藥
靜坐無時不憶山
德望舊懸霄漢外
政聲新

溢路岐間衆知聖主搜賢相朝夕欲徵黃霸還
再別未甘何處說但垂雙淚出咸秦風塵正馬來
千里蓬梗全家望一身舊隱每懷空竟夕愁眉不
展幾經春今朝儻降非常顧側展寧惟有古人

和徐薰先輩秋日遊涇州南亭呈二三同年
多少歡情泛鷁舟桂枝同折塞同遊聲喧島上巢
松鶴影落盃中過水鷗送日暮鐘交戍嶺叫雲寒
角動城樓酒酣笑語秋風裏誰道槐花更起愁

和陝州參軍李通微首夏書懷呈同寮張裳

段群二先輩

公門何事更相牽邵伯優賢任養閑滿院落花從
覆地半簷初日未開關尋仙鄭谷煙霞裏避暑柯
亭樹石間獨爲高懷誰和繼椽曹同處桂同攀

贈邊將

三邊近日往來通盡是將軍鎮撫功兵統萬人爲
上將威加千里懾西戎清笳連塞吹寒月紅旆當
山肅曉風却恨北荒霜雨露無因掃盡虜庭空

送同年黃顓歸袁州

莫倦連期在醉鄉孔門多戀惜分行文章聲價從
來重霄漢途程此去長何處聽猿臨萬壑幾宵因

月滯三湘鑑峰若上應相憶不得同過惠遠房

送友人出塞

帝城春色著寒梅去恨離懷醉不聞作別欲將何
計免此行應又隔年回入河殘日鵬西盡卷雪驚
蓬馬上來有志莫忘清塞學衆傳君負佐王才

送費鍊師供奉赴上都

縮地周遊不計程古今應只有先生已同化鶴臨
華表又見驂龍向玉清蘿磴靜攀雲共過雪堙當
醺月孤明無因相逐朝天去空羨煙霞得送迎

擬送賀知章入道

若非堯運及垂衣肯許巢由脫俗機太液始同黃
鶴下仙鄉已駕白雲歸還披舊褐辭金闕却捧玄
珠向翠微羈束慙無仙藥分隨車一作空有夢魂
飛

七言絕句

和工部楊尚書重送絕句

桂枝攀得獻庭闈何似空懷楚橘歸好控扶搖早
翅首人人思看大鵬飛

戊籤十八

同卷十九

唐音統籤卷十六

劉威會昌時人爵里莫詳詩一卷

唐朱志同

五言律詩

早春

曉來庭戶外草樹似依依
一夜東風起萬山春色
歸冰消泉派動日暖露珠晞
已醞看花酒嬌鶯莫
預飛

傷春感懷

花飛惜不得年長更堪悲
春盡有歸日老來無去
時風前千片雪鏡裏數莖絲
腸斷青山暮獨攀楊

唐音統籤

卷六百十六

戊

柳枝

閏三月

三年皆一閏此閏勝常時莫恠花開晚都緣春盡
遲節分炎氣近律應蕙風移夢得成胡蝶芳菲幸
不遺

早秋遊湖上亭

危亭秋尚早野思已無窮竹葉一樽酒荷香四座
風曉煙孤嶼外歸鳥夕陽中漸愛湖光冷移舟月
滿空

宿漁家

竹屋清江上風煙四五家
水園分菱葉鄰界認蘆
花雨到魚翻浪洲廻鳥
傍沙月明何處去片片
席
帆斜

旅中早秋

金威生止水爽氣遍遙空
草色蕭條路槐花零落
風夜來萬里月覺後一
聲鴻莫問前程事颯然
沙
上蓬

早秋西歸有懷

求歸方有計惜別更堪愁
上馬江城暮出郊山戍
秋暗銷何限事白盡去
年頭莫惟頻惆悵異鄉
難

再遊

冬夜旅懷

寒窓危竹枕月過半牀陰嫩葉不歸夢晴蟲成苦
吟酒無通夜力事滿五更心寂寞誰相似殘燈與
素琴

塞上作

蕭蕭隴水側落日客愁中古塞一聲笛長沙千里
風鳥無棲息處人愛戰爭功數夜城頭月彎彎如
引弓

秋日寄陳景孚秀才

征車日已遠物候尚淒淒風葉青桐落露花紅
低心隨秦國遠夢到楚山迷却恨啣蘆鴈秋飛不
向西

冬日送友人西歸

北風吹別思杳杳度雲山滿望是歸處一生猶未
閒知音方見譽浮宦久相關空有心如月同君千
里還

七言律詩

感寓

海竭山移歲月深分明齊得世人心顏回徒恨少

成古彭祖何曾老至今須向道中平貴賤還從限
內任浮沉他年免似驪山鬼信有蓬萊不可尋

七夕

烏鵲橋成上界通千秋

一作年

靈會此宵同雲收喜

氣星樓曉香拂輕塵玉殿空

一作雲收喜氣星橋滿雨拂香塵月殿空

翠輦不行青草路金鑾徒候白榆風綵盤花閣無
窮意只在遊絲一縷中

晚春陪王員外東塘遊宴

水綠山青春日長政成因暇泛回塘初移柳岸笙
歌合欲過蘋洲羅綺香共濟已驚依玉樹隨流還

許醉金觴一聲畫角嚴城暮雲雨分時滿路光

遊東湖黃處士園林

偶向東湖更向東數聲雞犬翠微中遙知楊柳是
門處似隔芙蓉無路通樵客出來山帶雨漁舟過
去水生風物情多與閑相稱所恨求安計不同

題許子正處士新池

坐愛風塵日已西功成得與化工齊巧分孤島思
何遠欲似五湖心易迷漸有野禽來試水又憐春
草自侵隄那堪更到芙蓉拆晚夕香聯桃李蹊

旅懷

物態人心漸渺茫十年徒學釣滄浪老將何面還
吾土夢有驚寃在楚鄉自是一身嫌苟合誰憐今
日欲佯狂無名無位却無事醉落烏紗卧夕陽

早秋歸

數口飄零身未迴夢寃遙斷越王臺家書欲寄鴈
飛遠客恨正深秋又來風解綠楊三署冷月當銀
漢四山開茫茫歸路在何處砧杵一聲心已摧

歐陽示新詩因貽四韻

荷憂瑤瓊得至音數篇清越應南金都由苦思無
休日已證前賢不到心風入寒松聲自古水歸滄

海意皆深欲知字字驚神鬼一氣秋時試夜吟

尉遲將軍

天仗擁門希授鉞重臣入夢豈安金江河定後威
風在社稷危來寄託深扶病暫將弓試力感恩重
與劒論心明妃若遇英雄世青塚何由怨陸沉

贈歐陽秀才

桐上知音目下身道光誰不仰清塵偶來水館逢
爲客舊熟詩名似故人永日空驚滄海濶何年重
見白頭新權門要路應行遍閑伴山夫一夜貧

贈逆者

五雲深處有真仙歲月催多却少年入郭不知今
世事賣丹猶覓古時錢閑尋白鹿眠瑤草暗摘紅
桃去洞天時向人間深夜坐鬼神長在藥囊邊

贈道者

道帔輕裾三岳雲綠髯長占鏡中春高風已駕祥
鸞馭浮世休驚野馬塵過海獨辭王母面度關誰
識老聃身儒生也愛長生術不見人間大笑人

遣懷寄歐陽秀才

地上江河天上鳥百年流轉只須臾平生閑過日
將日欲老始知吾負吾似豹一斑時或有如龜三

顧豈全無古來晚達人何限莫笑空枝猶望蘇

送元秀才入道

不教榮樂損天機願逐鸞凰次第飛明月滿時開
道帔俗塵飄處脫儒衣只携仙籍還金洞便與時
流隔翠微空有緘題報親愛一千年後始西歸

三閭大夫

三閭一去湘山老煙水悠悠痛古今青史已書殷
鑒在詞人勞詠楚江深竹移低影潛貞節月入中
流洗恨心再引離騷見微旨肯教漁父會昇沉

傷曾秀才馬

買得龍媒越水清
輕桃細杏色初分
秋歸未過陽關日
夜魄忽銷陰塞雲
吳練已知隨影沒
朔風猶想帶嘶聞
臨軒振策休惆悵
坐致煙霄只在君

戊籤十九

孟遲字遲之升之云平昌人與杜牧之善登會昌五

年進士第詩一卷唐朱志同

發蕙風館遇陰不見九華山有作

我來淮陰城下江萬山無不經
山青水碧千萬丈
奇峰急派何縱橫
又聞九華山山頂連青冥
太白有逸韻使我西南行
一步一步一攀策
前行正鷄鳴陰

雲冉冉忽飛起千里萬里危崢嶸譬如天之有日
蝕使我昏沉猶不明人家敲鏡救不得光陰却屬
貪狼星恨亦不能通言亦不足聽長鞭揮馬出門
去是以九華爲不平

寄浙右舊幕僚

金華子云建爲浙西堂書記以讓羅至淮南崔相國奏堂

書記後以詩寄浙右幕中

由來惡舌駟難追自古無媒謗所歸勾踐豈能容
范蠡李斯何暇救韓非巨拳豈爲雞揮肋彈弩那
因鼠發機慚愧故人同鮑叔此心江柳尚依依

壯士吟

壯士何曾悲悲卽無回期如何易水上未歌淚先垂

徐波渡

曉月千重樹春煙十里溪過來還過去此路不堪
述

題嘉祥驛

樹頂煙微綠山根菊暗香何人獨鞭馬落日上嘉
祥

懷鄭洎

風蘭舞幽香雨葉墮寒滴美人來不來前山看向

夕

長信宮

一作趙
畝詩

君恩已盡欲何歸
猶有殘香在舞衣
自恨身輕不如燕
春來還遶御簾飛

閨情

山上有山歸不得
湘江暮雨鷓鴣飛
靡蕪亦是王孫草
莫送春香入客衣

蓮塘

脉脉低回殷袖遮
臉橫秋水髻盤鴉
蓮莖有刺不成折
盡日岸傍空看花

還淮卻寄睢陽

梁王池苑已蒼然
滿樹斜陽極浦煙
盡日回頭看不見
兩行愁淚上南船

烏江

中分豈是無遺策
百戰空勞不逃驢
大業固非人事及
烏江亭長又何知

新安故關

漢帝英雄重武材
崇山險處鑿門開
如今更有將軍否
移取潼關向北來

廣陵城

一作趙暇詩

紅迷高臺綠遶城城邊春草傍牆生隋家不向此
中盡汴水應無東去聲

過驪山

冷日微煙渭水愁華清宮樹不勝秋霓裳一曲千
門鎖白盡梨園弟子頭

吳故宮

越女歌長君且聽芙蓉香滿水邊城豈知一日終
非主猶自如今有怨聲

蘭昌宮

宮門兩片掩埃塵牆上無花草不春誰見當時禁

中事阿嬌解佩與何人

宮人斜

雲慘煙愁苑路斜
路傍丘冢盡宮娃
茂陵不是同歸處
空寄香魂著野花

句

天地有時饒一擲
江山無主任平分

過垓下紀事

戊籤二十

唐音統籤卷

六百十七

馬戴字虞臣會昌四年進士第與姚少監合相善

大中初太原李司空辟掌書記以正言斥為龍陽

尉咸通末佐大同幕終太學博士詩集一卷

唐宋志並

同今編三卷

戴詩夜久游子息月明岐路閑猿啼

圖嚴滄浪評其詩在晚唐諸家之上

五言古詩

校獵曲

楚子畋郊野布罟籠天涯浮雲張作羅萬草結成
置意在絕飛鳥臂弓腰鎮鄒遠將射句踐次欲誅

夫差壯志一朝盡他
繁華當時能獵賢保國
兼保家

廣陵曲

蔥蘢桂樹枝高繫黃金
羈葉隱青蛾翠花飄白玉
堦上鳴聞關鳥下醉遊俠
兒煬帝國已破此中都
不知

征婦歎

稚子在我抱送君登遠道
稚子今已行念君上邊
城蓬根既無定蓬子焉川
生但見請防胡不聞言
罷兵及老能得歸少者還
長征

春思

初日照楊柳玉樓含翠陰啼春獨鳥思望遠佳人
心幽怨貯瑤瑟韶光凝碧林所思曾不見芳草意
空深

離夜二首

東征遶水迥北近單于臺戎衣挂寶劍玉筋銜金
杯紅燭暗將滅翠蛾終不開

凝夜照離色恐聞啼晚鴉前年營鴈塞明月戍龍
沙曾與五陵子休裝孤劍花

晚眺有懷

默然

一作
劇樹

抱離念曠懷成怨歌高臺試延望落照

在寒波此地芳草歇舊山喬木多悠然暮天際但
見鳥相過

經咸陽北原

秦山曾共轉秦雲自舒卷古來爭雄圖到此多不
返野狎穴孤墳農人耕廢苑川長波又逝日與歲
俱晚夜入咸陽中悲吞不能飯

女次淮口

天涯孤

一作
秋

光盡木末羣鳥還夜久遊子息月明

岐路閑風生淮水上帆落楚雲間此意竟誰見行

行非

一作悲

故關

宿裴氏谿居懷厲玄先輩

樹下孤石坐草間微有霜
同人不同此雲鳥自南
翔迢遞夜山色清冷泉
月光西風耿離抱江海
遙相望

寄遠

坐想親愛遠行嗟天地闊
積疹其毀顏沉憂更銷
骨迢迢遊子心望望歸
雲沒喬木非故里高樓
共明月夜深秋風多聞鴈
來天末

寄賈島

海上不同來關中俱久住尋思別山日老盡經行
樹志業人未聞時光鳥空度風悲漢苑秋雨滴秦
城暮佩玉與鏘金非親亦非故朱顏枉自毀明代
空相遇歲晏各能歸心知舊岐路

五言律詩一

關山曲二首

金鎖耀兜鍪黃雲拂紫騮叛羌旗下戮陷壁夜中
收霜霰戎衣月關河積氣秋箭瘡殊未合更遣擊
蘭州

火發龍山北中宵逐左賢勒兵臨漢水驚鴈散胡

天水落防河急軍孤受敵偏猶聞漢皇怒按劒待
開邊

塞下曲二首

旌旗倒北風霜霰逐南鴻夜救龍城急朝焚虜帳

空骨銷金鏃在

段成式云坐客嘗吟此句

鬢改玉關中却想

一作

憶

義軒代

一作

無人尚戰功

廣漠雲凝慘日斜飛霰生燒山搜猛獸伏道擊迴
兵風折旗竿曲沙埋樹杪平黃雲飛旦夕偏奏苦
寒聲

雀臺怨

魏宮歌舞地蝶戲鳥還鳴玉座人難到銅臺雨滴
平西陵樹不見漳浦草空生萬恨盡埋此徒懸千
載名

河梁別

河梁送別者行哭半非親此路足征客胡天多殺

人金罍照離思

一作席

寶瑟凝殘

一作青

春早晚期相

見垂楊凋復新

山中興作

高高丹桂枝嫋嫋女蘿衣密葉浮雲過幽陰暮鳥
歸月和風翠動花落瀑泉飛欲剪蘭爲佩中林露

未晞

落日悵望

孤雲與歸鳥千里片時間念我一何滯辭家久未
還微陽下喬水遠色隱秋山臨水不敢照恐驚平
昔顏

秋郊夕望

度鳥向棲急陰蟲逢夜多餘霞媚秋漢迥月濯滄
波蔓草將萎絕流年其奈何耿然搔落思獨酌不
成歌

山行偶作

緣危路忽窮投宿值樵翁鳥下山含暝蟬鳴露滴
空石門斜月入雲竇暗泉通寂寞生幽思心疑舊
隱回

隴上獨望

斜日掛邊樹蕭蕭獨望閒陰雲藏漢壘飛火照胡
山隴首行人絕河源夕鳥還誰爲立勲者可惜寶
刀閒

邊城獨望

聊憑危堞望倍起異鄉情霜落蒹葭白

一作塞曲
關防絕

山昏霧露生河灘胡鴈下戎壘漢聲驚獨樹殘秋

色狂歌淚滿纓

邯鄲驛樓作

燕沒叢臺久清漳廢御溝蟬鳴河外樹人在驛西
樓雲燒天中赤山當日落秋近郊經戰後處處骨
成丘

鸛雀樓晴望

堯女樓西望人懷太古時海帆通禹穴山木閉虞
祠鳥道殘虹挂龍潭返照移行雲如可馭萬里赴
心期

早發故山作

雲門夾峭石石路蔭長松谷響猿相應山深水復
重餐霞人不見一作採藥客猶逢獨宿靈潭側時
聞岳頂鐘

早發故園

語別在中夜登車離故鄉曙鐘寒出岳殘月迥凝
霜風柳條多折沙雲氣盡黃行逢海西鴈零落不
成行

客行

路岐長不盡客恨杳難通蘆荻晚汀雨柳花南浦
風亂鍾嘶馬急殘日半帆紅却羨漁樵侶閒歌落

照中

浙江夜宿

落帆人更起露草滿汀洲遠
杭啼荒嶠孤螢溺漫流積陰
開片月爽氣集高秋去去胡
爲戀舉芳時一游

夜入湘中

洞庭人夜到孤棹入湘中
露洗寒山遍波搖楚月空
密林飛暗狖廣澤發鳴鴻
行抵揚帆者江分又不同

旅次夏州

嘶馬發相續行次夏王臺鎖郡雲陰暮鳴笳燒色
來霜繁邊上宿鬢改積中迴悵望胡沙曉驚蓬朔
吹催

別家後次飛狐西卽事

遠歸從此別親愛失天涯去國頻迴首方秋不在
家鳴蛩聞塞路冷鴈背龍沙西次桑乾曲洲中見
秋花

長安書懷

岐路今如此還堪慟哭頻關中成久客海上老諸
親谷口田應廢鄉山草又春年年銷壯志空作獻

書人

寄崇德里居作

掃君園林地滌我清涼襟
高鳥雲路晚孤蟬楊柳
深風微漢宮漏月迴秦城砧
光景坐如此徒懷經
濟心

灞上秋居

灞原風雨定晚見鴈行頻
落葉他鄉樹寒燈獨夜
人空園白露滴孤壁野僧隣
寄臥郊扉久何門致
此身

楚江懷古三首

露氣寒光集微陽下楚丘猿啼洞庭樹人在木蘭
舟廣澤生明月蒼山一作夾亂流雲中君不見一作

降竟父自悲秋

驚鳥去無際寒蛩鳴我傍蘆洲生早霧蘭隰下微
霜列宿分窮野空流注大荒看山候明月聊自整
雲裝

野風吹蕙帶驟雨滴蘭橈屈宋魂冥冥江山思寂
寥陰霓侵晚一作景海樹入迴潮欲折寒芳薦明
神詎可招

春日尋澹川王處士

碧草徑微斷白雲扉晚開罷琴松韻發鑒水月光
來宿鳥排花動樵童澆竹迴與君同露坐澗石拂
青苔

汧上欸舊友

斗酒故人同長歌起北風斜陽高壘閑秋角暮山
空鴈宿寒流上螢飛淡霧中坐來憂白髮况復久
從戎

中秋夜坐有懷

秋光動河漢耿耿曙難分墮露垂叢藥殘星間薄
雲心懸赤城嶠志向紫陽君鴈過海風起蕭蕭時

獨聞

同州冬日陪吳常侍閒宴

中天白雲散集客郡齋時陶性聊飛爵看山忽罷
碁雪花凝始散水葉脫無遺靜理良多暇招邀愜
所思

洛陽寒夜姚侍御宅憶賈島

夜樹動寒色洛陽城闕深如何異鄉思更抱故人
心殘月關山遠閑階霜霧侵誰知石門路待子與
相尋

集宿姚侍御宅懷永樂李殷侍御

石田虞芮接種樹白雲陰穴閉神踪古河流禹鑿
深樵人應滿郭僊鳥幾集林此會偏相語曾同雪
夜吟

集宿姚殿中宅期僧無可不至

殿內臣

日

作

相命開樽話舊時餘鐘催鳥絕積雪

阻僧期林靜寒光

一作聲

遠天陰曙色遲今宵復何

夕人謂去難追

一作出

難隨

宿崔邵池陽別墅

楊柳色已改郊原日復低煙生寒渚上霞散亂山

西

一作亂

流西

待月人相對驚風鴈不齊此心君莫

問舊國去將迷

新秋雨霽宿王處士東郊

夕陽逢一雨夜水洗清陰
露氣竹窗靜秋光雲月深
煎嘗靈藥味話及故山心得意雨不寐微風生
玉琴

宿賈島原居

寒鴈過原急渚邊秋色深
煙霞向海島風雨宿園林
俱佳明時願同懷故國心
一作共計貧交久猶嫌外事侵未能
先隱跡
一作聊開一作此一相尋

下第再過崔邵池陽居

豈無故鄉路路遠未成歸關內相知少海邊來信
稀離雲空石穴芳草偃郊扉謝子一留宿此心聊
息機

過故人所遷新居

金馬詔何晚茂陵居近修客來雲雨散鳥下梧桐
秋迫漢銜天闕遙泉響御溝坐看涼月上爲子一
淹留

過野叟居

野人閒種樹樹老野人前居止白雲內漁樵滄海
邊呼兒採山藥放犢飲溪泉自著養生論無煩憂

暮年

宿陽臺觀

玉洞仙何在
爐香客自焚
醺壇圍古木
石磬響寒雲
曙月孤霞映
懸流峭壁分
心知人世隔
坐與鶴爲羣

謁仙觀二首

我生求羽化
齋沐造仙山

一作

居葛蔓沒

一作

丹井

石函盛

一作

道書寒松多偃側
靈洞遍清虛
一就

泉西飲雲中採藥蔬

山空蕙氣香
乳管折雲房
願值壺中客
親傳肘後

方三更禮星斗寸七服丹霜默坐樹陰下僊經橫
石牀

同莊秀才宿鎮星觀

的的星河落霑苔復灑松濕光微泛草石翠澹搖
峯野觀雲和月秋城漏間鐘知君親此境九陌少
相逢

宿翠微寺

處處松陰滿樵開一逕通鳥歸霜磬盡僧語石樓
空積翠含微月遙泉韻細風經行心不厭憶在故
山中

宿無可上人房

稀逢息心侶細話故山期
河漢秋生夜杉梧露滴時
風傳林磬久月掩草堂遲
坐臥禪心在浮生皆不知

題吳癸原南居

閒居誰厭僻門掩漢祠前
山色夏雲映樹陰幽草
連晴光分渚曲綠氣冒原田
何日遠遊罷高枝已噪蟬

題鏡湖野老所居

湖裏尋君去樵風往返吹
樹喧巢鳥出路細葑田

移漚葦成魚網枯根是酒卮老年唯自適生事任
群兒

題青龍寺鏡公房

一室意何有閑門爲我開
爐香寒自滅履雪飯初
迴窗迥孤山入燈殘片
月來禪心方此地不必訪
天台

題僧禪院

虛室焚香久看心悟幾生
蘂泉侵月起掃徑避蟲
行樹隔前朝在苔滋廢
清平我來風雨夜像設一作
照一燈明

題靜住寺欽用上人房

寺近朝天路多聞玉珮音
鑒人開慧眼歸鳥息禪
心磬接星河曙窗連夏木深
此中能宴坐何必在
雲林

題女道士居

不餌芝朮四十八年
一作秦系詩

不餌住雲溪休丹罷藥畦
杏花虛結子石髓任成
泥掃地青牛臥栽松白鶴棲
共知仙女麗莫是阮
郎妻